

Ovttasbargu mánáidgárddiin

Váhnemiin lea válđoovddasvástádus mánáid ba-
jásgeassimis. Mánáidgárddi biras dievasmaht-
tá ruovttu birra. Váhnemiin ja mánáidgárddis
galgá leat jeavddalaš gulahallan máná loaktima
ja ovdáneami hárrái. Ovttasbarggu olis galgá
beassat ovddidit dárbbaslaš, guovttebealat ád-
dejumi daid čuolmmaid hárrái, mat sáhttet
bohciidit ovttaskas máná vuhtiiváldimis mán-
nájoavkku siste. Juohke mánáidgárddis galgá
leat váhnenráđdi ja ovttasbargolávdegoddi,
maiguin sihkkarastet ovttasbarggu mánáid
ruovttuiguin.

Váhnemiin lea vuoigatvuohta oažžut jienaset
gullot ja sis galgá leat vejolašvuohta váikkuhit
– sihke ovttaskas váhnemin – ja ovttasbarggus.
Borgemánu 1. b. 2010 rájes lea ásahuvvon sier-
ra mánáidgárddi nátionála váhnenlávdegoddi
(MVL), mii galgá leat mánáidgárdeváhnemiid
jietna politihkkáriid ja eará eiseválddiid ektui.

Loga eanet MVL birra dás:

<http://www.regjeringen.no/nb/dep/kd/aktuelt/nyheter/2010/Oppretter-nasjonalt-foreldreutvalg-for-barnehager.html?id=610292>

Mávssolaš liŋkkat:
www.regjeringen.no
www.fm-nett.no

Máhtodepartemeanta
Boksa 8119 Dep, 0032 Oslo
www.kd.dep.no

Almmolaš ásašusat sáhttet dingot
eanet dákkár gihppagiid čujuhusas:
Departementets servicesenter
Kopi – og distribusjonsservice
www.publikasjoner.dep.no
E-poasta: publikasjonsbestilling@dss.dep.no

Almmut preanttuskoda: F 4258 S

Buresboahthin mánáidgárdái!



MÁHTTODEPARTEMEANTA

Mánáidgárddi sisdoalu ja doaimmaid rámmaplána

Norgga mánáidgárddiid mudde geassemánu 17. b. 2005 mánáidgárdeláhka nr 65. Máhtodepartemeanta lea lága vuodul mearridan láhkaásahusa, mii ovdanbukta mánáidgárddi sisdoalu ja doaimmaid rámmaplána.

Rámmaplána njuolggadusat gusket mánáidgárddi árvovuđđui, sisdollui ja doaimmaide. Rámmaplána sahtát viežžat čujuhusas:

<http://www.regjeringen.no/upload/kilde/kd/reg/2006/0001/ddd/pdfv/282023-rammeplanen.pdf>



Ođđa ulbmilparagrafa 2010

Borgemánu 2010 rájes boahtá fápmui ođđa ulbmilparagrafa.

Mánáidgárddi ulbmilis celkojuvvo mii lea mánáidgárddi servodatmandáhta ja makkár árvvut mánáidgárddis galget leat.

Mánáidgárddi galgá ovttasbarggus ja oktasaš áddejumis ruovttuin fuolahit mánáid fuolahan- ja duhkoraddandárbbuin ja ovddidit oahppama mánggabealat ovdáneami vuodđun. Mánáidgárddi galgá vuodđuduvvat kristtalaš ja humanisttalaš árbbi ja árbevieruid ala, nu mo olmmošárvvu ja luonddu gudnejahtimii, vuoiññafriijavuhtii, lagamusa ráhkisteapmái, ándagassii addimii, ovtaárvosašvuhtii ja solidaritehtii, árvvuide mat bohtet ovdan sierra oskkuin ja eallinoainnuin, ja mat vuodđuduvvet olmmošvuoigatvuodaide.

Mánát galget beassat vásihit ilu ráhkadeami olis, imaštallama ja iskama ja dutkama. Sii galget maid oahppat fuolahit alldiset, nuppiineaset ja luonddus. Mánát galget ovddidit vuoddomáhtu ja -gálggaid. Sis galgá leat vuoigatvuohta leat mielde váikkuheamen agiset ja eavttuideaset mielde.

Mánáidgárddi galgá váldit vuostá mánáid luohtámušain ja gudnejahtimiin, ja dohkkehít mánnávuoda iešárvvu. Dat galgá ovddidit loaktima ja ilu duhkoraddama ja oahppama olis, ja dat galgá hástalit ja leat oadjebas báiki oktasašvuhtii ja ustivuhtii. Mánáidgárddi galgá ovddidit demokratiija ja dásseárvvu ja bargat buotlágan vealaheami vuostá.

(Mánáidgárdelága § 1)

Vuoigatvuohta mánáidgárdesadjái

Mánáin, mat devdet jagi mañimusat borgemánu dan jagi go sidjiide ohcet mánáidgárdesaji, lea vuoigatvuohta ohcamuša vuodul oazžut mánáidgárdesaji borgemánu rájes dán lága ja láhkaásahusaid vuodul.

- Mánás lea vuoigatvuohta oazžut mánáidgárdesaji dan gielddas, gos son ássá.
- Gielda galgá váldit ođđa mánáid mánáidgárdái unnimusat oktii jahkái. Gielda mearrida ohcanáigemeari.

(Mánáidgárdelága § 12a)

